



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 01/1-02-~~1666~~ /22

Datum: 29.10.2022.godine

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14), Pravilnika o javnim nabavkama („Službeni glasnik Grada Visoko”, broj: 02/22), otvorenog postupka javne nabavke za »Izradu plana upravljanja otpadom za period 2022-2027.«, pokrenutog Odlukom broj: 01/1-02-1063/22 od 29.07.2022. godine i objavljenog na Portalu javnih nabavki Obavještenjem o nabavci broj: 870-1-2-82-3-122/22 dana 07.09.2022. godine, donosim:

**ODLUKU
o izboru najpovoljnijeg ponuđača**

I

Komisija je konstatovala da su ponude ponuđača Institut za građevinarstvo „IG“ Banja Luka i ENOVA d.o.o. Sarajevo dostavljene u skladu sa tenderskom dokumentacijom, dok ponuda ponuđača Institut za hidrotehniku d.d. Sarajevo nije dostavljena u skladu sa tenderskom dokumentacijom.

U skladu sa navedenim i kriterijem za dodjelu ugovora, najpovoljnijim ponuđačem proglašava se:

ENOVA d.o.o. Sarajevo
(sa cijenom ponude u iznosu od 17.500,00 KM bez PDV-a)

II

Izabrani ponuđač je obavezan dostaviti dokumentaciju iz člana 45. Zakona o javnim nabavkama u skladu sa uslovima definisanim u tenderskoj dokumentaciji.

III

Po sticanju uslova za zaključenje ugovora, ugovorni organ će pozvati izabranog ponuđača radi zaključenja ugovora u skladu sa zahtjevima-uslovima ugovornog organa navedenim u otvorenom postupku.

IV

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za Izrada Plana upravljanja otpadom za period 2022-2027.godine Odlukom o pokretanju postupka broj: 01/1-02-1063/22 od 29.07.2022.godine.

Postupak je objavljen na portalu javnih nabavki Obavještenjem o nabavci broj: 870-1-2-82-3-122/22 dana 07.09.2022.godine i u Službenom glasniku BiH, broj: 63/22 od 16.09.2022. godine

U skladu sa članom 13. Zakona o javnim nabavkama BiH („Službeni glasnik BiH” broj: 39/14) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/1-02-1064/22 od 29.07.2022.god., u sastavu:

1. Alma Ahmić, predsjednik,
2. Mahir Karavdić, član
3. Amina Čeliković, član
4. Zilha Sirćo, sekretar

1. Seid Burić, zamjenik predsjednika
2. Almir Osmanbegović, zamjenik člana
3. Alma Novokmet, zamjenik člana
4. Andrea Mitrović Karačić, zamjenik sekretara

U roku za dostavljanje ponuda 27.09.2022.god. (utorak) do 12:00 sati dostavljene su ponude ponuđača:

1. **INSITUT ZA HIDROTEHNIKU D.D. SARAJEVO**
2. **INSTITUT ZA GRAĐEVINARSTVO „IG” BANJA LUKA**
3. **ENOVA D.O.O SARAJEVO**

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude, preuzeli i TD. Dana 27.09.2022.god. (utorak) u 12:15 sati Komisija je pristupila otvaranju blagovremeno pristiglih ponuda.

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	INSITUT ZA HIDROTEHNIKU D.D. SARAJEVO	12.000,00	nema
2.	INSTITUT ZA GRAĐEVINARSTVO „IG” BANJA LUKA	18.700,00	nema
3.	ENOVA D.O.O SARAJEVO	17.500,00	nema

Otvaranju ponuda nisu prisustvovali predstavnici ponuđača.

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14).

Komisija je svoj rad nastavila nakon izvršenog otvaranja ponuda, te izvršila pregled i ocjenu ponuda i konstatovala sljedeće:

Ponuda ponuđača **INSITUT ZA HIDROTEHNIKU D.D. SARAJEVO** je blagovremena i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama („Službeni glasnik BiH”, broj: 39/14), dostavio je ovjerenu kopiju Potvrde banke iz tačke 12.1. tenderske dokumentacije. Ponuđač nije dostavio svoju ponudu u skladu sa tenderskom dokumentacijom, tačnije tačkom 12.2. tehnička i profesionalna sposobnost pod b) Dokazi u kojoj je propisano sljedeće:

“Dokaz:

Ovjerene kopije diploma, i uvjerenja/potvrde ponuđača za diplomirane inženjere o dužini trajanja radnog iskustva iz oblasti detaljno navedenim u uslovima.

*Ponuđač koji ima zaposlene diplomirane inženjere ne može izdati uvjerenje/potvrdu o radnom iskustvu koje je diplomirani inženjer stekao kod drugog poslodavca. U tom slučaju uvjerenje/potvrdu o dužini trajanja radnog iskustva iz traženih oblasti za diplomiranog inženjera izdaje poslodavac kod kojeg je diplomirani inženjer stekao radno iskustvo. **Uvjerenje/potvrda se dostavlja kao original ili ovjerena kopija.***

Ukoliko ponuđač ima zaposlene diplomirane inženjere obavezan je pored navedenih dokaza dostaviti i listu osiguranih lica za obveznika/ponuđača izdatu od strane poreske uprave/ispostave (original ili ovjerena kopija).

Ukoliko ponuđač angažuje diplomirane inženjere obavezan je pored navedenih dokaza dostaviti ugovor o djelu ili ugovor o poslovno-tehničkoj saradnji (ugovor se dostavlja kao original ili ovjerena kopija).

Uvjerenje/potvrdu ponuđača o dužini trajanja radnog iskustva za angažovane diplomirane inženjere iz traženih oblasti izdaje poslodavac kod kojeg je diplomirani inženjer stekao radno iskustvo. Uvjerenje/potvrda se dostavlja kao original ili ovjerena kopija.

Napomena: Diplome izdate u Bosni i Hercegovini, te diplome izdate do 06.04.1992.godine od strane nadležnih organa bivše SFRJ, nadležnih organa njenih bivših socijalističkih republika i autonomnih pokrajina važe na cijeloj teritoriji Bosne i Hercegovine. Sve ostale diplome podliježu obavezi nostrifikacije te je potrebno uz takvu diplomu dostaviti uvjerenje o nostrifikaciji diplome, izdato od ovlaštene obrazovne ustanove u Bosni i Hercegovini.”

Ponuđač je na ime dokaza za zaposlene/angažovane diplomirane inženjere dostavio ovjerene kopije diploma, listu osiguranih lica i potvrde Instituta za hidrotehniku d.d. Sarajevo za stečeno radno iskustvo. Uvidom u listu osiguranih lica za obveznika izdatu od Poreske ispostave Centar utvrđeno je da inženjeri za koje je ponuđač dostavio ovjerene kopije diploma i potvrde o radnom iskustvu i to za Džajić-Rghei Senida da je osigurana u Institutu za hidrotehniku d.d. Sarajevo od 01.06.2022.godine, a Selmanagić Dragana od 15.07.2020.godine. S tim u vezi, ponuđač nije dostavio potvrde za inženjere izdate od poslodavca kod kojih su inženjeri stekli radno iskustvo, jer je evidentno da su navedeni inženjeri zaposleni kod ponuđača od 01.06.2022.godine, odnosno 15.07.2020. godine.

U skladu sa navedenim Komisija je predložila da se ponuda ponuđača odbaci.

Ponuda ponuđača **INSTITUT ZA GRAĐEVINARSTVO „IG” BANJA LUKA** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama (“Službeni glasnik BiH”, broj: 39/14), dostavio je obične kopije Potvrde banaka iz tačke 12.1. tenderske dokumentacije, te je ista u skladu sa uslovima iz Tenderske dokumentacije. U skladu sa navedenim Komisija je predložila da se ponuda ponuđača prihvati.

Ponuda ponuđača **ENOVA D.O.O SARAJEVO** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama (“Službeni glasnik BiH”, broj: 39/14), dostavio je ovjerenu kopiju Potvrde banke iz tačke 12.1. tenderske dokumentacije, te je ista u skladu sa uslovima iz Tenderske dokumentacije. U skladu sa navedenim Komisija predlaže da se ponuda ponuđača prihvati.

U skladu sa navedenim, sačinjena je slijedeća rang lista ponuđača čije su ponude prihvatljive:

1. **ENOVA D.O.O SARAJEVO** sa cijenom ponude u iznosu od 17.500,00 KM
2. **INSTITUT ZA GRAĐEVINARSTVO „IG” BANJA LUKA** sa cijenom ponude 18.700,00 KM

Nakon analize ponuda Komisija predlaže da se donese Odluka o izboru najpovoljnijeg prihvatljivog ponuđača **ENOVA D.O.O. SARAJEVO** sa cijenom ponude u iznosu od **17.500,00 KM**.

U skladu sa navedenim, odlučeno je kao u dispozitivu.

POUKA O PRAVNOM LIJEKU:

Protiv ove odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Dostavljeno:

1. INSTITUT ZA HIDROTEHNIKU D.D. SARAJEVO,
2. INSTITUT ZA GRAĐEVINARSTVO „IG” BANJA LUKA,
3. ENOVA D.O.O. SARAJEVO,
4. Evidencija,
5. a/a.-



GRADONAČELNIK

mr. sc. Mirza Ganić dipl. ing.